



Georgius Giscra ex nobili familia apud Boemos natus, magna corporis & animi fortitudine fuit præditus. Itaq; Sigismundi & Alberti Cæsarum castra secutus, magnam sibi auctoritatem comparauit. Cum etiam Albertus mortuus esset, atq; Vladislaus Poloniæ rex Vngariã inuasisset, quæ Ladislao Alberti filio debebatur, hic Iohannes armorum gloria clarus partes eius unicus ferè in Vngaria defendit, hostes aliquoties acie fudit, Ioãnem Huniadem uirum aliàs fortissimũ bis castris exiit, & rebellantes Hungaros magnis claudibus affecit. Is aliquando ad Fridericum Cæsare profectus, ut puerum regẽ inspiceret. Cum apud Nouam ciuitatem ad regis conspectum uenisset, plurimũ illachrymans Ladislai manum in procerum præsentia exosculatus, hæc uerba protulit: Video te tandẽ teneoq; rex. Utinam uerò scires, quæ pericula, quos labores, & quot uulnera tuo nomine pertulerim. en cicatrices testimonio sunt, patri tuo tibiq; uitam deuoui. Nulla uis est, nulla fortuna, quæ meum animum à te alienare possint, officia mea sola tibi mors auferret. Sed tu hæc per ætatem non intelligis. Postea subridẽs, dixit: Quod mihi præmium fidei ac laboris erit, & quod dadas militi stipendium?